



R271

10-1

女科指掌卷之四

臨產

歌婦人臨產產兒部地裂山崩不可當五臟精神皆運用一身氣血盡相將只宜自己存
血養芎歸大劑獨參湯

論妊娠臨月安神定慮時常緩步不可多眠飽食過飲酒醴雜藥宜先貼產圖依位鋪密牀帳預請老練穩婆備辦湯藥器物
欲產時不可多人喧鬧惶惶但用老婦二人扶行及使物站立若見漿水腰腹痛甚是胎離其經使產母仰卧令兒轉身頭向
產門用藥催生坐草覺飢吃溫粥少許勿令飢渴恐乏其力不可強服催生早於坐草不惟產母受寒又恐兒身未順也

脉診其脉轉大如切繩轉索者謂之離經腰痛甚即產

方佛手散 真雀腦川芎 兩全當 配水煎服 臨產方甚多惟此為第一寒則熱服以煖之暑則溫服以涼之虛則多用熱
膏以補之實則少用煎湯以通之譬如操舟風之順逆橫斜水之淺深緩急自有權宜也

脉法

臨產六至脉號離經或沉細滑若兼即生浮大難產寒熱又頻此時凶吉急於色微面頰唇舌忌黑與青面赤母活子命必傾
若胎在腹子母歸冥唇冷吐沫胃已遭刑神丹摠服莫訝勿靈 妊娠六七月脉實大牢強弦緊者生沉細無力者死臨產
勻細而滑者易產浮大而濇者難產 欲產之婦脉離經離經之脉分明認其來大小不調勻或如雀啄屋漏應腰痛腹痛

眼生花產在須臾却非病墮胎倒仆或舉重致胎死在腹中居已損未出血不止冲心悶亂母魂亦有時子死母身存或者母
亡存子命弦緊牢且清且寧沉細而微死不治欲產之婦脉離經沉細而滑也同名半夜腹痛應分曉來日日午定知生身體
多熱寒又頻舌下之脉黑復青唇舌上冷子當死腹中須遣母歸冥面赤舌青仔細看母活子死既應離唇口俱青未又出母
子俱死摠高併面青舌赤沫又頻母死子活定知真不信若能看應驗迺知賢哲不虛陳

先期欲產過期不產

歌先期欲產如何治涼血安胎是妙方設使過期遠不產調元補血勿傍徨

論大全曰孕婦有七月八月而生產者有一年二年至三四年而後產者各依法治之
裏全善曰先期欲產涼血安胎過期不產補血行滯 虞天民謂先期欲產者血熱也當清之過期不產者氣虛也當補之

又有枯胎過月不產者當大補氣血 大約二症皆虛候也宜大補氣血為主蓋先期者是氣血虛弱不能承載其胎過期

者是元期氣不足不能健運其胎經所謂氣化則能出矣宜培養之庶無分挽之虞孕婦未足月而痛如欲產者知母一味蜜

丸米飲下縮砂更妙或槐子蒲黃等分蜜丸酒下二十九以痛止為度

方當歸補中湯 當歸川芎阿膠艾葉甘草人參黃芪杜仲白朮白芍北味

當歸散 當歸川芎阿朮黃芩白芍 為末童便調二錢

補血行滯湯 當歸 川芎 生地 白芍 香附 砂仁 枳殼 蘇梗 水煎

達生

歌萬物原來達易生丹溪因此立方名姪娘九月頻頒服準擬臨期穩太平

論丹溪曰世之難產者往往見於鬱悶安佚之人富貴養之家若貧賤辛苦者無有也古方止有瘦胎散一論而其方為湖

陽公主而作見有服者多不效也予族妹苦於產難產後遇胎則觸而去之予甚憫焉視其形肥勤於針指揣思旬日忽自悟

悟曰此正與湖陽公主相反彼奉養之人其氣必實耗其氣以使之和故易產也今形肥知其氣虛久坐知其不運必氣愈弱

兒在胞胎因母氣不能自運耳當補其母之氣則兒健易產也令其有孕以大全紫蘇飲加補氣藥與數十貼因得兒而甚快

遂以此方隨母形色稟性參時令加減用之無不應者因名其方曰達生散

方達生散 大腹皮二錢當歸 白芍 白朮 熟地 人參 陳皮 紫蘇 枳殼 甘草 黃楊腦 黃 錢

不用 胎瘦者加葱五莖春加川芎夏加黃芩秋加澤瀉冬加砂仁氣虛倍參木氣實加香附易飢倍黃楊梢

東胎滑胎

歌九月胎肥宜東胎莫將湯水灌嬰孩滑胎方藥分勞逸內補榆皮仔細推

論東胎者謂約束其胎而不縱橫使易產也古方東胎九主之凡臨月宜食猪脂不可多飲湯水及洗頭濯足宜小勞以運動

其氣血不可太勞以傷其臟腑也

八月東胎丸 陳皮兩白朮茯苓各七錢 黃芩 酒炒 春秋七錢 五錢 粥丸飲下五十九

九月東胎丸 白朮枳殼黃芩甘草 各五分 黃芩 酒炒 春秋七錢 五錢 粥丸飲下三十九

大全曰凡妊娠十月滑胎散服之使易產也分勞逸虛實用之

滑胎散 枳殼炒 雨甘草一兩 為末湯調二錢服

內補丸
榆皮散

熟地二兩當歸一兩 蜜丸酒服四十九
榆白皮 甘草各二錢子炒 兩 每服用五錢水煎去滓服

弄胎試胎

歌 腹痛非常曰試胎弄胎漏下水漿來不妨多服若歸飲果熟香飄莫浪催

論 便產須知曰臨月腹痛或作或止或一二日或三四日胎水已來腹痛無已名曰弄胎非當產也又有一月前忽然腹痛如欲便生名曰試胎非當產也凡腹痛胎水來與不來俱不妨事但要寬心候時若果當生痛極不已腹重而脹穀道挺併漿水淋下其兒遂生蓋產自有時如果熟飄香小熟蒂落也忌洗頭濯足
大全曰漿水先破惡血來多胎乾不得下先以四物湯補養氣血次煎葱白湯放冷令坐婆洗產戶須要款曲令其氣上下通達更以香油滑石末塗產戶宜先服催生如神散次服神妙乳末丹
神妙乳末丹 辰砂另研極細滴乳香為末猪心血為丸桐子大晒乾每服一九酒化下端午日合 腰痛甚時溫酒化服
令人扶立產婦兩手各拿石燕一枚口念靈藥聖王遍徐行數步坐草數步草便生更無痛苦

臨產禁忌

孫真人曰產婦雖是穢惡然腹痛之際及未產已產並不得令死喪孝服污穢家人來視之則主難產若已產者則傷兒也又曰凡產乳忌反支月若值此月當在牛皮上灰上勿令惡物血水著地著地則殺人及浣濯衣水皆以器盛過此忌月乃止又曰凡生產不依產圖若有觸犯於後子母皆危縱不致死必子母皆病庶事皆不稱心若能依圖無所觸犯母即康健子亦易養欲產時忌多人瞻視惟二三老成聰慧之人在傍俗名達生待產託方可告人若眾人先知無不難產也凡產婦不得匆忽忙怕傍人亦須穩審皆不得預緩預急及憂悵則氣結難產若腹痛眼中火出生花此兒迴轉未即生也兒出時必穀道挺逆腰腹痛極不已乃可努力而下也產訖弟問是男是女恐因愛憎傷懷兒始落地與產母童便五咽以防血暈忌與熱湯勿令母見污穢宜坐起勿平卧令人以手慰胸腹使血不行忌食熱麪熱藥熱粥凡飲食當如人肌膚溫和以防血暈也又忌冷物以防血滯腹痛也

預備藥物

薛立齋曰臨產須預備佛手保氣榆皮黑神大聖花蓋石等散神寢催生埋中等丸丹及催生靈符人參葵子石燕黑豆蜜無灰酒童便社醋米湯瓶鍋及斷臍線剪之類花蓋石散為血入胞衣脹大不能下及血迷聖藥佛手散治血虛危症加味芍

朗君子

安產藏衣

集聖曆曰天德正月在丁二月在坤三月在壬四月在辛五月在乾六月在甲七月在癸八月在艮九月在丙十月在乙十一月在癸十二月在庚

白虎
大夫
天
猴
狂
天
狗
豐
隆
咸
池
軒
輅
雷
公
運
鏡
安
產
藏
衣
善
方
善
方

安 正月
產 二月
藏 三月
衣 四月
十 五月
三 六月
神 七月
吉 八月
凶 九月
方 十月
位 十一月
之 十二月






壬丙艮寅寅卯辰辰午申酉戌
坤甲乾亥卯子丑未巳酉己戌亥
丙壬坤申辰酉戌戌午子寅亥子
甲庚巽己巳午未丑未酉亥子丑
丙壬艮寅午卯辰辰申子申丑寅
庚甲乾亥未子丑未酉卯己寅卯
丙壬坤申申酉戌戌戌子寅卯辰
庚甲巽己酉酉戌戌亥卯亥辰己
丙壬艮寅戌卯辰辰子午申己未
庚甲乾亥亥子丑未卯己午未
壬丙坤申子酉戌戌寅午寅申
庚甲巽己丑午未丑卯酉亥申酉

犯犯犯犯犯犯
之之之之之之
主主主主主主
兒兒兒兒兒兒
驚驚驚驚驚驚
風風風風風風
張張張張張張

外臺要法

正月三月五月七月九月十一月福德在丙壬 二月四月六月八月十月十二月福德在甲庚 大時招搖咸池晏時雷公
豐隆軒轅月白虎大夫狂虎天猴天狗運鬼力士等十三神日具注如苗產婦犯之大凶宜依月空處生產則吉其兒衣依天
德月空處藏之大吉 但臨產及未滿月皆不德在懸戶閑肚上小便亦不棄浣衣污水慎之

十二月立成法圖



[illegible]

虎白公自當申
庚午酉
戊戌
壬子
癸丑
甲寅
乙卯
丙辰
丁巳
戊午
己未
庚申
辛酉
壬戌
癸亥

招藏衣吉

壬戌國庚申
 月藏大天
 白衣吉
 虎狂虎
 壬戌國庚申
 月藏大天
 白衣吉
 虎狂虎

安產藏衣吉方

正二三四五六七八九十十一月十二月

天德方

丁坤壬午乾甲癸艮丙乙癸庚

宜藏胎衣

月德方

丙甲壬庚丙甲壬庚丙甲壬庚

宜藏胎衣

月空方

壬庚丙甲壬庚丙甲壬庚丙甲

宜坐產室

生氣方

子丑寅卯辰巳午未申酉戌亥

宜藏胎衣

十二支生子所向方

子午卯酉日宜向西南

寅申巳亥日宜向西北

辰戌丑未日宜向東南

十干日產婦着衣臥首宜忌及起日宜忌

甲乙日產宜着黑衣忌白衣臥忌西首起日忌庚辛

丙丁日產宜着青衣忌黑衣臥忌北首起日忌壬癸 戊己日產宜着

赤衣忌青衣臥忌東首起日忌甲乙 庚辛日產宜着黃衣忌赤衣臥忌南首起日忌丙丁 壬癸日產宜着白衣忌黃衣臥

忌中央宜西起日忌戊己

山方宜避

四季傷胎殺方

春子午夏丑未秋辰戌冬己亥

十干游胎殺

甲己日在門

乙庚日在碓磨

丙辛日在井灶

丁壬日在倉庫

戊癸日在房牀

日游胎殺

子午在碓

丑未在厠

寅申在門

辰戌在雞棲

己亥在牀

十二支游胎殺

子丑在中堂

寅卯辰酉在炉

巳午在門

未申在籬下

戌亥日在房

日游神

所在忌產婦安牀

致重物於牀內主墮胎

癸巳甲午己未丙申丁酉房北

癸卯日在房內西

甲辰乙巳丙午丁未在房內東

六戌六己房內中

庚子辛丑壬寅在房南

餘日在房外

產婦坐卧及產帳向之開門大吉

禍害方不可在其方產及不得向之入小便

絕命方 不可於其方產及開帳門等

閑肚方

臨月未滿月不得向之大小便及棄穢水

八莊方產帳不得向之開

反支月

遇此月即鋪灰上用牛馬皮及草血勿污地

懸尸曰

過此日產不得攀繩宜懸馬轡攀之大吉 崔氏有行年圖具見良方茲不贅

符咒

體玄子借地法

東借十步 西借十步 南借十步 北借十步 上借十步 下借十步

壁方之中四十餘步安產借地恐有穢污或有東海神王或有西海神王或有南海神王或有北海神王或有日游將軍白虎夫人遠去十丈軒轅招搖高舉十丈天符地軸入地十丈令地空閑產婦某氏安居無所妨碍無所畏忌諸神擁護百邪速去急急如律令

臨月朱砂寫一本貼產婦房內北壁上正中貼之

禁草法

鋪草及氊褥席託卽咒曰

鉄鉄湯湯非公所當是五一言得之銅一言得之鉄母子相生俱後鉄急急如律令

禁水法

欲產時貯水咒曰

南無三寶水 水在井中為井水 水在河中為河水 水在器中為淨水 水在去中為真水 自知非真莫實真水

以爭奪以

正治邪日游月殺五王將軍青龍白虎朱雀玄武招搖天狗軒轅女妓天吞地吞懸口閉吐六甲禁韋上坤王上符定坤

各安所在不得動靜不得忌于若有動靜若有忌于施以神咒當攝汝影

阿佉尼阿毗羅莫多梨娑地梨娑訶

崔氏方符

魔出鬼吞三符
服化大
屬橫生朱砂書化
水中順吞之

聖惠方符











此四符八月一日墨書鞋底上
 己丑
 此三符墨書

外臺肥衣
不下香符

此四符胞衣不下朱砂書吞

書化服

右靈符以朱砂書之貼房內北壁上暮之時將符以針剉就盞內化之溫水調服申驗

催生符圖九天大力魔軍速降威靈攝天因急急如律令勒右用朱砂新汲水濃調清晨至晨念九天大力魔軍速降威靈攝天生急急如律令勒念至生字急寫生字却於生字下面一書左速臣心想胎元被筆推轉念急急如律令勒氣一筆推下須是隨筆一句念令筆咒俱盡候乾剪下摺作一丸用黃蠟丸之朱砂為衣濃煎木香湯下乳香湯亦可 符藥既服兒逼欲生安詳坐草令人抱腰抱腰之人宜立身端正不可傾斜恐兒生不順也不可用力太早

安產法

凡欲產時先以朱砂點產婦後項宛中又點鼻孔間柱兩傍宛中牛穿握處即向產處咒之曰此地空閑安居產婦某姓就此吉處諸神擁護百鬼速去莫相觸忤三咒之訖即燒火於產處四方以井水華四器亦置產處四方各橫刀於水上其刀浮磨拭之

又法捉一刀子先向產處咒曰一尺刀子七尺刀拒以反支而治運如此三咒訖釘刀子著產處地上然後坐產

臨產事宜

一穩婆平時宜以小惠結其歡心臨事令其從容勿迫兼以安慰母懷使勿驚恐自然轉逆為順也

一臨月切不可洗頭濯足刷牙恐有橫生倒生之患

一外來閑雜婦人喪服穢濁之類宜預杜絕勿使觸犯諸般不得喧鬧房中常宜緊閉

一月數滿足纔覺腹痛不可驚動太早恐驚怖則上焦閉下焦脹氣乃不行致產不利

一宜擇老練穩婆及親密三四人扶持勿令多人知之

一覺腹痛而腰不甚痛者未產也且扶行熟忍若行不得則凭物而立行得則徐行之

一忽焉腹痛或作或止三四日或數日胎水已來而腰腹痛不密者名曰弄胎非當產也又有一月前忽然腹痛欲產却又不一

產名曰試月非當產也不問胎水來不來只要寬心候時若是產時腰腹痛極不已穀道迸挺眼中火出便產豈有欲便而

或痛或不痛之理人多於此誤見亂做所以枉了性命

一腹痛纔作便謂生產坐婆躁狂貪不候時至便言試水彈胞漿水先下胎必乾涸坐草既久風入產門必致傷損腫脹門戶

狹小乾澀所以難產

一產婦因痛不肯舒伸行動曲腰眠胎元轉動尋至生門却被遮閉無路可下又轉又尋至三四次胎已無力決主難產

一產婦初覺須惜力調養不可妄亂用力兒身方轉被用力一逼令兒錯路以致橫逆須待臨到產門用力一逼兒即生下若

用力於前恐無刀於後也

一產婦如覺心中憤悶可取白蜜一匙溫酒調服如覺肌渴可進軟粥勿令飢餓恐困乏無力

一產時未至不可早服催生符藥要服時溫酒不可用涼水恐血得冷則凝反至難產

一產時臨時胞漿未下但只穩守無妨胞漿破後後不生氣腹獨參湯佛手散夫胞漿者乃胞內養兒之水也兒既拆胞胎隨水下此為易產若胎元無力轉頭遵慢漿水下盡汚血閉塞門戶令兒無路可通故難產也宜獨參湯接補元氣佛手散逐去汚惡血開滑子宮不惟令兒易生且免日後無窮之患也

皇甫中臨產歌

臨產之時勿易看驚然氣湊目珠翻唇青口噤流涎沫子母雙雙入鬼關舌色鮮紅唇面黑子存母死片時聞面紅舌黑兒難保佛手仍須奪命橫逆催生龍蛇散滑胎可救漏胞乾死胎欲下苦歸飲更搗葶藶腳底攤血中胞中時脹悶上冲心胃死何難朴硝散共紅花酒奪命神丹逐下安產下血迷成血暈清魂急灌命須還血山一倒心無主目暗頭眩汗雨漫氣隨血脫多難救姜桂參芪大補堪血搶心悶成狂妄喘絕痛黃不等閑兒枕痛時緣惡露當歸失笑效非凡忽然口禁言顛倒見鬼原非風與寒敗血上冲心血耗妙香散共黑龍丹

秘法

孫真人曰凡欲臨產時必先脫尋常所著衣以籠灶頭及灶口令至密即易產也勿令人知宜密置

太真科經說 語忘敬遺二鬼名婦人臨產呼之不害人長三寸三分上下烏衣

橫生逆生

坐為滿卧為魚女屬母兒屬夫急急如律令 書二道一道水吞下燒大刀銀令赤以酒一盃沃之頓飲救死不分婉者

免未翻身順產門母因用力早煩冤候將子逼遭橫逆理會多方可下盆

論孫真人曰凡產難及兒橫生逆生側生或手足先露可急爪搔之兒得痛痒驚轉即縮或以針刺兒手足入一二分許或以

鹽擦兒足底手心令兒得痛即縮自當順也并以監摩產婦腹上 若眼閉心悶欲絕者即當頂上取髮如二指大強以人

牽之眼即開 若產時子但趨數道者熱益熾之自正若悶絕者以米醋喚之凡昏迷即喚之薰鼻法用鉄秤錘燒赤入碗內

以醋沃之薰鼻下令氣入內即醒 一法以手中指取倉底墨交畫兒足下即使順生 子母秘錄用盐和胡椒粉塗兒足下即

順 一方取夫陰毛二十七莖燒以猪膏凡如大豆吞之神驗 二方書父名於兒足下 一方車前子末酒調服

交骨不開

老女初生骨不開為難產血餘反乳香開骨膏膏服石燕即君可下胎

大金丹 交骨不開由元氣虛弱胎前失於調攝以致氣血不能運達而然者也宜加味芎歸湯以補陰氣之不足或用開骨膏

一婦人分娩甚易至四十外下血去多玉門不開與煎湯一劑更以活水無憂散斤許煎熟時時飲之以助其血而產

加味芎歸湯 當歸川芎各一兩板一板髮一板髮一板順流水煎服如人行五六里即生蓋交骨不開者陰氣虛也龜乃至陰之物

板則交錯相解髮血餘也用反以固其血神効

開骨膏 明滴乳香一兩研端午日以豬心血和九如鷄豆大朱砂為衣每用一丸酒下 一方用大硃砂端午日晒起以百

催生

日為度研極細末免腦丸小豆大米飲服一丸晒朱砂時不得著雨露 手握石燕口念醫靈藥聖三七遍或郎君子亦可

免腦催生第一方至誠修合按陰陽芎歸養血宜兼服時至臨盆不用忙

大凡生產自有時候不可強服催生滑藥或勢不得已則服芎歸湯下之切不可坐草太早及令穩婆亂動手如登廁然時

候未到用力何益 催生用藥之法有四一多用滑利迅速之藥如免腦蛇蛻之類一水道乾澀者宜滋潤之如猪油蜜酒牛

乳葱白葵子榆皮滑石之類一稽停勞動之久風冷入於胞胎宜香以開竅逐血如麝香木香五積散紫蘇飲之類一觸犯禁

忌則用驅邪逐惡之品如乳香朱砂麝香虎角及諸靈符之類此皆一時妙用惟佛手散至要不易

免腦催生丹 臘月免腦髓一个乳香明淨者二錢五分母丁香一錢麝香三分各另研細末入免腦研和來日是臘月今

日先研候夜星宿下安桌子時果香茶虔誠齋戒潔淨焚香望北斗告曰大道弟子某修合救世上難產婦人藥願降成靈

祐助此藥速令生產禱畢再拜紙蓋露之更焚香至來日日未出時再研勻丸如雞豆大另研朱砂為衣紙囊懸遠風處陰

乾每用一丸溫酒下即產兒手中握藥出神効

露露奪命丹 蛇退一條瓶千里馬脚者塊灰一錢髮灰一錢金銀箔各七乳香五分馬鳴退灰一錢黑鉛三錢水銀七

五分先化鉛客入右為未猪心血丸如桐子大側流水灌下二丸如灌不行化開灌之須至誠修合勿令婦人雞犬孝服僧尼等見

庚初世如神散 令人路上尋破草鞋一隻取耳燒灰為末溫酒調服二錢得左足者男右足者女仰者女覆者厄側者驚果有神奇莫測其理

遇仙丹 蔓藤子十四分 朱砂 雄黃各一錢 蛇退燒灰一尺 為末飯丸如彈子先用椒湯淋洗臍下次安藥於臍中用蠟紙數重覆上潤帛束之生下即取去藥丸可治三人

一方 三麻四豆脫衣裳研細將來入麝香若有婦人遺產難臍中貼藥兩分張

催生如聖散 黃蜀葵子半合研爛以酒濾去滓溫服

琥珀黑散 治橫生逆生及琥珀朱砂松烟墨各各另人參 附子炮百草霜各五錢 姜蚕炒一錢乳香一錢當歸錢黑衣即杜突上為

未每服二錢姜酒童便下

神寢丸 明滴乳香五錢 枳殼炒兩 為末煉蜜丸桐子大空心溫酒服三十 蘄州施少卿方徐太丞傳

烏金散 百草霜 白芷等分 為末童便調二錢湯下

寤生丸 枳實 桑白皮兩六 二味長流水煮半日候枳實透軟去桑皮以枳實去穢切片晒乾入木香甘草各五錢共三味為

未煉蜜丸桐子大服飲下三十九

烏金散 治子死地黃蒲黃當歸軍姜甘草肉桂芍藥各一 小黑豆兩四 百草霜五錢 為末每服二錢淡醋湯下若疑似之間進佛手

散若是知死胎服此藥一服後更進香桂散如手推下常用催生加滑石末五錢葵子五十 柞葉葱白水煎下

香桂散 麝香五分 官桂三錢 為末童便酒調服不輕用

子死腹中附母死子治令出方

歌 胞破漿乾潤輒魚舌青口穢氣噓噓摸之腹內如水冷平胃芒硝可蕩除

論 子死腹中多因驚動太早或觸犯禁忌或血水先下如魚之失水也須驗母舌若青黑其胎必死矣更以手摸之冷者死溫

煖者未死胎死者必腹中陰冷重墜口中穢舌色青欲去之者朴硝平胃散服之即化水而下六畜用之皆驗 牛膝散 立聖丹

孫真人曰欲知生死之候母面赤舌青者兒死母活若母唇口青口兩邊沫出者母子俱死若母面青舌赤沫出者母死子活

伏龍肝為末撮以三指酒調服之土當著兒頭上出三家雞卵各一枚三家鹽各一撮三家水各一盃合煮熟向東食之

一酒煮大豆汁服 一牛尿塗母腹上

附母死子活飲令出方 水銀如彈丸大格口灌喉中捧起令下一食頃又捧令起 好却

治驗鑒案 淳于意治菑州人懷子而不乳召于意往視之飲以貧蕩藥一撮以酒飲之旋乳意復診其脉而脉躁躁者有餘病即飲以硝

石一劑出血如豆五六枚愈

滑伯仁治孕婦七日而不乳且食甚少伯仁視之以涼粥一盂搗楓葉煎湯調之啖之旋乳或詰其理曰此婦食甚少未有無穀氣而生者夫楓葉先生先落後生後落故以作湯飲也

龐安常治一產七日而子不下百治不效龐令其佳人作湯溫其腰腹自為上下按摩孕者覺腸胃微痛呻吟間生一男其家驚喜而不知所以龐曰兒已出胞但一手誤執母腸不能脫非符藥所能治我為隔腹捫兒手所在針其虎口痛即縮手所以遽生無他術也取兒視之右手虎口針痕存焉 又治一婦坐草太早恐懼氣結而不乳非不順也蓋恐則氣下而精神怯上焦閉下焦脹以紫蘇飲服即產

吳茱生治產難三日不下服破血藥勿効吳以車前子為君冬葵子為臣枳殼白芷為使服之即產

高賓曰我師劉復真遇湯府判女產不利已斂劉以紅花濃煎湯扶女於甕上以綿帛醺湯過之會之復速以湯澆帛上以器盛水又煖又澆久而甕醒遂生一男蓋遇嚴冬血冷凝滯不行得煖則產也 一醫者宿客店值店婦產數日不下下體已冷無藥甚窘遂以椒橙蔥茱萸等煎湯可下之則和臍腹下部皆淋洗之氣溫血行而產

針灸

李東垣曰婦人將產預先胞破惡水長流坐草太早無血養血胎枯極者宜獨陰在足小指第三節間 承陰 針肩井入一寸瀉之須臾分娩

玉函方 太衝針八分補百息合谷補 三陰交內踝上三寸若子上冲心 巨關 合谷針三分留三呼補之 今正坐用抱

頭抱腰微偃針入六分留七呼得氣即瀉立甦若子掬母心生下兒手心有針痕若子頂母心入中有痕若向後枕骨有痕是其驗也神效此刺巨關法 巨關法 劉河間 獨陰 合谷 三陰交

張文仲 灸右脚小指尖三壯 橫生難產者立產

楊子建十產論

楊子建曰凡生產先知此十證庶免于母之命折於無辜世之收生者少有精良妙手多致傾命予因傷感而備言之 一曰正產言懷胎十月陰陽氣足忽作痛陣胎至穀道數破血下兒即正產 二曰傷產言懷胎未足月有所傷動以致忽然臍腹疼痛或服催生藥太早或產母努力太早逼兒錯路不能正生凡分娩須待兒身轉順頭對產門努力正生 三曰催生言欲產時兒頭至產門符藥催之或經日久產母倦怠難生宜服藥以助其氣血令兒速生 四曰凍產言天氣寒冷產母氣血凝

滯致兒不下此害最深故衣常宜厚產室宜煖令產母背身向火臍下腰腿間常煖使血得煖則行兒易生也 五曰暑產言
盛暑之月產婦當溫和得宜倘熱甚則產母頭疼面赤暈量若產室人眾熱氣蒸逼亦致前患名曰血暈若夏月風涼陰雨亦
當謹避 六曰橫產言兒方轉身產母用力逼之太早故也凡產母當今安然仰臥穩婆先推兒身順直頭對產門以中指探
其肩不令臍帶羈絆方可用藥催之努力即生 七曰倒生言兒轉身產母努力太早故也當令產母仰臥穩婆推入候兒自
順良久不令生令穩婆以香油塗手入產門一邊撥兒轉順近產門却服催生符藥即產 八曰偏產言兒回身未順生路產母
努力逼兒頭偏一邊產露頂非也乃額角耳當令產母仰臥穩婆輕手推正其頭向產門努力即下若兒頂後骨偏在穀道露
額令穩婆以棉衣烘煖裹手於穀道外傍推正即產 九曰礙產言兒身已順門路已正兒頭已露因兒轉身時臍帶絆其肩
以致不能生令產母仰臥穩婆輕託兒向上以中指按其肩脫去臍帶仍令兒身正順即產 十曰坐產言兒之欲生當從高
處牢繫手巾一條產母以手攀之輕輕屈坐令兒生下不可坐臥兒生路
為近不敢擅改
以候博雅君子

盤腸產

盤腸產言每遇臨產則子腸先出然後產子其腸不收故名盤腸產也令穩婆以水醋各一盃和勻勿令產婦知默然喚產婦
面上即收一方用生半夏末吹入鼻中一方用磨刀水煮溫暖浸之另煎磁石湯服一方用麻油熬紙醺燃吹滅以煙薰鼻一
方盛其腸於漆器內濃煎黃耆湯浸之一方草麻子仁四十九粒搗爛貼頭頂自收然不及未產時先服獨參湯為至要也
又方用牙皂末吹鼻取嚏即上

臨產舌出

臨產舌出不能收辰砂塗舌正相投破缸鉄响如雷震閣壁聞之舌即收

蒸按心開竅于舌舌乃心之苗故傷寒舌出為陽強治以井腦塗之者病屬手少陰心經也然而舌本又屬厥陰故曰厥陰
之症舌卷囊拳此條以辰砂塗之者症屬足厥陰肝經也曾記華元化案有舌出數寸而死者其危可類推也 破缸之說
不若以爆竹代之但令患者知之

胞衣不下

歌只因瘀血入胞中壅塞停留不得通佛手歸牛膝飲黑龍奪命有奇功
婦生子訖血入胞中衣為血脹故不得下不急治則脹滿上冲心胸疼痛喘急多致不救宜服奪金丹逐去衣中之血血散